



Protocol

Radunanza cumünala dals 18.09.2020

Presidi: Peer-Puorger Victor

Preschaint: 158 votantas e vontants

S-chüsà: Barblan Otto

Scrutinaduras: à Porta Corina / Andrighetti Jachen / Molinaro Tanja / Nogler Cla

Protocol: Oswald Gian Claudio

tractandas	tema	responsabel
------------	------	-------------

1 0110 Legislativa
Salüd

2 0110 Legislativa
Elecziuns cumünalas
Tscherna dals scrutinadurs

3 0110 Legislativa
Acconsentimaint protocol

4 0110 Legislativa
Elecziuns cumünalas
Elecziun dal capo; 2021-2024

5 0110 Legislativa
Elecziuns cumünalas
Elecziun da la suprastanza; 2021-2024

6 0110 Legislativa
Elecziuns cumünalas
Elecziun dal cussagl da scoula; 2021-2024

7 0110 Legislativa
Elecziuns cumünalas
Elecziun da la cumischiun sindicatoria; 2021-2024

8 0110 Legislativa
Varia (radunanza cumünala)

0110 Legislativa

10 Salüd

Il capo, Victor Peer, driva la radunanza e dà il bivgnaint als preschaints. El manzuna l'importanza da la lavur chi vegn prestada davart dal cumün e quant greiv chi'd es vieplü da tscherchar glieud chi'd es pronta da surtour da quellas caricas. Perquai esa tant plü bel chi'd es reuschi da chattar pels posts chi vegnan libers candidatas e candidats qualifichats.

La glista da tractandas vain approvada sco preschantada.

0110 Legislativa

11 Elecziuns cumünalas

Tscherna dals scrutinadurs

Introductivmaing propuona il capo ils scrutinadurs, chi fuorman a medem temp insembel cul manader da l'administraziun il büro electoral. Quai sun:

Corina à Porta / Jachen Andrighetti / Tanja Molinaro / Cla Nogler. La radunanza conferma ad els cun vusch unanima.

A listess mumaint manzuna il capo, cha interessentas ed interessents per üna carica han gnü temp da s'annunzchar fin ils 7 da settember pro l'administraziun cumünala. Our da motivs, cha fin sün ün'unica candidatura pel cussagl da scola nu d'eiran entradas fin pro quel termin ingünas otras candidaturas, s'han las differentas instanzas miss in tschercha da candidatas e candidats. Uschè esa reuschi da chattar candidatas e candidats per mincha carica. Sper quellas candidaturas sun natüralmaing eir bainvissas tuot las candidaturas chi vegnan comunicadas pür la saira da las elecziuns.

0110 Legislativa

12 Acconsentimaint protocol

Our dal motiv chi nu sun gnüdas inoltradas ingünas protestas in connex cul protocol da la radunanza dals 29 da gün vala quel sco approvà.

0110 Legislativa

13 Elecziuns cumünalas

Elecziun dal capo; 2021-2024

Il vicepresidente, Armon Mayer, maina tras l'elecziun dal capo cumünal. El orientescha la radunanza da las fadias instancablas da noss capo Victor Peer. Las pretaisas sun creschüdas successivmaing, uschè cha sper ün savair fich vast bsögna eir d'avair sün tuot ils s-chalins politics üna buna rait da contacts. Contrahent da noss capo in uffizi es per quist'elecziun Corsin Häfner chi abita illa fracziun da Chaflur.

Corsin Häfner tschüffa occasiun da's preschantar a las votantas ed ils votants. Cun ün per frusas spiega el il gir da sia amo giuvna vita e manzuna seis ingaschamint prol parlamaint europeic da giuventüna. Ad el sta a cour l'avegnir dal cumün da Valsot, perquai candescha el pel post dal capo. Davo cha Corsin Häfner s'ha pudü preschantar drizza il vicecapo amo alternant trais dumondas als duos candidats. Lur respostas güdan forza a l'ün o l'oter da decider a che candidat chi vöglian dar lur vusch.

Eleccziun dal capo

Sco capo cumünal es mettan a disposiziun Victor Peer e Corsin Häfner

Elet vegn:

total vuschs	majorità assoluta	candidat	vuschs
157	79	Victor Peer	103

implü survgni vuschs han:

		<i>Corsin Häfner</i>	47
		<i>Singuls</i>	7

0110 Legislativa

14 Eleccziuns cumünalas

Eleccziun da la suprastanza; 2021-2024

Eleccziun da la suprastanza cumünala

Tenor constituziun cumünala han commembras e commember chi prevezzan da metter a disposiziun lur carica d'inoltrar lur demischiun in scrit a man da la suprastanza cumünala fin il plü tard als 30 da gün da l'on d'eleccziuns. Il vicecapo Armon Mayer vaiva inoltrà sia demischiun. Il capo ingrazcha ad Armon Mayer per tuot sia lavur a bönn da la generalità. El ha prestà grondiusa lavur d'ürant seis temp d'uffizi. Sco successur preschainta il capo in quist connex la candidatura dad Andri Cantieni. Our dal ravuogl da la radunanza vegn implü fatta la proposta per Riet Häfner. Spera quella candidescha Corsin Häfner eir pel sez illa suprastanza.

Elets vegnan:

total vuschs	majorità assoluta	Candidat(-a)	vuschs
549	69	Ursina Caviezel conferma	125
		Armon Kirchen conferma	107
		Andri Cantieni nouv	105
		Fadri Riatsch conferma	87

implü survgni vuschs han:

		<i>Häfner Corsin</i>	67
		<i>Häfner Riet</i>	38
		<i>Singuls</i>	18

0110 Legislativa

15 Eleccziuns cumünalas

Eleccziun dal cussagl da scoula; 2021-2024

Eleccziun cussagl dal scoula

Milena Horber e Plasch Oswald vaivan inoltrà lur demischiun. Sco novs commembers as mettan a disposiziun Franziska Denoth e Pamela Schorta. Our dal ravuogl da la radunanza vegn implü fatta la proposta per Andri Vonlanthen.

Elets vegnan:

total vuschs	majorità absoluta	candidat	vuschs
539	68	Flurin Nef conferma	123
		Daniel Marti conferma	115
		Schorta Pamela nouv	110
		Franziska Denoth	98

implü survgni vuschs han:

		Andri Vonlanthen	82
		Singuls	11

0110 Legislativa

16 Elecziuns cumünalas

Elecziun da la cumischiun sindicatoria; 2021-2024

Elecziun cumischiun sindicatoria

Pro la cumischiun sindicatoria nu sun entradas ingünas demischiuns. Eir nu vegnan fattas ingünas propostas per ulteriuras candidaturas.

Confermats vegnan:

total vuschs	majorità absoluta	candidat	vuschs
333	56	Jon Pitschen Janett	109
		Enrico Kienz	108
		Jon Prevost	91

implü survgni vuschs han:

		Singuls	25
--	--	---------	----

0110 Legislativa

17 Varia (radunanza cumünala)

Da la tractanda varia nu vegn fat adöver.

Uschè serra il capo la radunanza ed ingrazcha a tuots pella cumparsa ed impustüt a tuot ils elets per lur prontezza da prestar lavur pel bön da la generalità. El giavüscha ün bun arriv a chasa.

7556 Ramosch, 28.09.2020



Il capo:

Il manader administraziun: